



BILTEN KONGRESA BOŠNJAKA SJEVERNE AMERIKE, broj 8, godina III

Darko Trifunović prijeti tužbom Emiru Ramiću, predsjedniku KBSA

PRED SUDOM ĆE SE DOKAZATI KO NEGIRA GENOCID

Nakon objave pisma Kongresa Bošnjaka Sjeverne Amerike koje je upućeno organizatorima 11. Kongresa Evropske policije, od kojih se zahtjeva da se Darku Trifunoviću, izvjesnom stručnjaku za terorizam zabrani prisustvo na ovom izuzetno važnom skupu na kojem će učestvovati policajci, ministri pravde i unutarnjih poslova i evropski parlamentarci, a kojima će se govoriti o evropskoj strategiji za borbu protiv terorizma. Možete zamisliti da se na jednom ovakvom skupu poziva Darko Trifunović, koji je i sam „stručni“ branitelj srpskog fašizma i terorizma, te najvećih srpsko-crnogorskih zločina i zločinaca koje Europa i Svijet ne pamti nakon Drugog svjetskog rata. Posebno naglašavamo ovaj „stručnjak“ je poznat po tome što je u više navrata negirao genocid nad Bošnjacima u BiH, a posebno nad Bošnjacima Srebrenice, na kojem ukazuje gro priloga koji su postirani na Internet stranicama.

Nego, nakon objave pisma KBSA redakciji web magazina www.bosnjaci.net javio se glavom i „bradom“ golobradi četnik Darko Trifunović, gdje u četničkom zanosu i prijetećim tonom poručuje Emiru Ramiću, predsjedniku KBSA, da će dati nalog svojim advokatima u Americi i BiH, time podnijeti tužbu protiv njega, ako mu se Ramić ne izvini na www.bosnjaci.net.

Trifunović, usput srpski „stručnjak“ za terorizam,

u javljanju piše predsjedniku Emiru Ramiću: „Poštovani gospodine Ramiću,

U Vašem saopštenju koristili ste više uvredljivih reči, koje ne priliče civiliziranom načinu komunikacije. Također, svoje uvredljivo saopštenje poslali ste na više adresa i time meni naneli velike štete. Ukoliko u roku od 24h ne uklonite isto i na istoj web stranici ne objavite izvinjenje biću prinuđen da svojim advokatima u SAD-u i BiH dam nalog da protiv Vas podnesu tužbe za uvredu i klevetu“, - kaže u pamfletu dr. Darko Trifunović.

Koje li drskosti tražiti izvinjenje od preživjelih genocida u BiH i to za istinu. Dakako, Kongres Bošnjaka s pravom u pismu naglašava da je Trifunović dokazani neprijatelj države Bosne i Hercegovine, a posebno falsifikator historije i negator agresije na međunarodno priznatu državu Bosnu i Hercegovinu i zločina genocida nad Bošnjacima. Time s pravom KBSA konstatira da je „sramotno i nedopustivo da ovakav 'stručnjak' govori o evropskoj strategiji za borbu protiv terorizma, kada je sam „stručni“ branitelj srpskog terorizma, njihovih najvećih zločina i zločinaca...“

Potpuno otvoreno se mora reći da je „stručnjak“ dr. Darko Trifunović pripadnik srbocidnog naroda u kojima je genetski ugrađen, blaga je riječ, fašizam i terorizam.

Dokaz, 11 genocida nad Bošnjacima a posebno, kako se navodi u Ramićevom pismu, da je Trifunović 'branitelj srpskog terorizma koji je na najsvirepiji način, kršenjem svih normi međunarodnog humanitarnog prava pobio više od 200.000 nedužnih civila, silovao više od 30.000 žena, mučio više od 50.000 ljudi u koncentracionom logorima smrti, protjerao više od 1 milion ljudi, uništio mnoga kulturna, duhovna i civilizacijska blaga. Kao negatoru agresije, genocida, kulturocida, ekocida, etnocida, urbicida, elitocida...' Ispravna je konstatacija KBSA da je Trifunoviću mjesto sa onima koji negiraju Holokaust i genocid, te druge ratne zločine iza zatvorskih rešetaka, a ne na podijumu sa potpredsjednikom Evropske komisije i komesarom za pravdu, slobodu i sigurnost, Francom Frattinijem.

Potvrda svemu ovome su dokazi su iz novije balkanske historije gdje srpsko-crnogorski fašisti na čelu sa kompletnim beogradsko-podgoričkim političkim i vojnim vrhom planirali i počinili agresiju i genocid na BiH, Hrvatskoj, te kasnije na Kosovu, odnosno nad Bošnjacima, Hrvatima, Albanicima...

Zbog svih navoda gospodine "stručnjak", najprije počistite svoju avliju od terorističkog smeća, pa krenite ka Europi.

Pismo Kongresa Bošnjaka Sjeverne Amerike organizatorima 11. Kongresa Evropske policije

TRIFUNOVIĆ NEGIRA GENOCID NAD BOŠNJACIMA I ŠTITI SRPSKE TERORISTE KOJI SU UBILI 200.000 CIVILA

U povodu organizacije 11. Kongresa Evropske policije Kongres Bošnjaka Sjeverne Amerike uputio je pismo NJ. E. Jose Manuel Barrosou, predsjedniku Evropske komisije, NJ. E. Francu Frattiniju, potpredsjedniku Evropske komisije zaduženom za pravdu, slobodu i sigurnost, NJ. E. Karlu von Wogau, predsjedniku Komiteta za sigurnost i odbranu Evropskog parlamenta, te časopisu Spiegel. U pismu između ostaloga stoji: «Na 11. Kongresu Evropske policije, koji će se održati krajem januara sljedeće godine na kome će učestvovati sve značajnije ličnosti evropske političke i sigurnosne scene koje imaju veze sa sigurnošću Evrope, Franco Frattini, ministri unutrašnjih poslova i pravde nekoliko evropskih zemalja, evropski i nacionalni parlamentarci, predsjednik Evropskog parlamenta i drugi, koji će se održati početkom sljedeće godine u Berlinu jedan od uvodničara u okviru foruma "Evropske protuterorističke strategije: Otkrivanje, financiranje, krivično-pravno procesuiranje" je dr. Darko Trifunović.

Kongres Bošnjaka Sjeverne Amerike koji zastupa interese većine od 350.000 američkih i kanadskih Bošnjaka oštro protestuje organizatoru Kongresa Evropskoj policiji,

tražeći da se dr. Darko Trifunović izuzme sa Kongresa.

Trifunović se dokazao kao uporni neprijatelj države Bosne i Hercegovine, falsifikator historije i negator agresije na međunarodno priznatu državu Bosnu i Hercegovinu i zločina genocida nad Bošnjacima.

Trifunović je autor sramotnog «Izveštaja o slučaju Srebrenica I deo» Dokumentacionog centra Vlade Republike Srpske iz 2002. godine (Banja Luka, Republika Srpska, BiH, 2002. U tom izvještaju na stranici 34. Trifunović zaključuje svoju raspravu o broju nestalih u toku pada sigurne zone UN-a Srebrenica i konstatira da je Vojska Republike Srpske mogla počiniti ratni zločin nad manje od 100 «muslimanskih vojnika». I taj zločin je pokušao opravdati riječima: "Slijedom toga (prethodne 'analize'), preostali broj na listi nestalih bili bi oni koje su pripadnici oružanih snaga Bosanskih Srba pogubili iz razloga lične osvete ili prostog neznanja međunarodnog prava. Taj broj bi vjerovatno bio manji od 100." (str. 34).

Kongres Bošnjaka Sjeverne Amerike smatra da je sramotno i nedopustivo da ovakav 'stručnjak' evropskim policajcima, ministrima pravde i unutrašnjih poslova i evropskim parlamentarcima govori o evropskoj strategiji

za borbu protiv terorizma, kada je sam „stručni“ branitelj srpskog terorizma koji je na najsvirepiji način, kršenjem svih normi međunarodnog humanitarnog prava pobio više od 200.000 nedužnih civila, silovao više od 30.000 žena, mučio više od 50.000 ljudi u koncentracionom logorima smrti, protjerao više od 1 milion ljudi, uništio mnoga kulturna, duhovna i civilizacijska blaga. Kao negatoru agresije i genocida, kao negatoru kulturocida, ekocida, etnocida, urbicida i elitocida njemu je mjesto sa onima koji niječu Holokaust i druge ratne zločine iza zatvorskih rešetaka, a ne na podiju sa potpredsjednikom Evropske komisije i komesarom za pravdu, slobodu i sigurnost, gospodinom Francom Frattinijem.

U ime 350.000 sjevernoameričkih Bošnjaka, većine žrtava agresije i zločina genocida Kongres Bošnjaka Sjeverne Amerike od Vas traži da poduzme sve što je u njenoj moći da se ponovni nastup „stručnjaka“ Trifunovića na Kongresu spriječi.

S poštovanjem
Emir Ramić
Predsjednik UO KBSA

Bošnjačka Dijaspora donosi tekst objavljen u listu Glas Srpske u kome

DARKO TRIFUNOVIĆ OPTUŽUJE AMORA MAŠOVIĆA ZA PRIKRIVANJE RATNIH ZLOČINA

Zločinom nad Bošnjacima u Srebrenici pokušava se opravdati zločin nad Srbima, koji se dogodio prije. Milioni maraka ušli su u taj grad, pa gdje su onda nove fabrike, kuće i je li opština oživjela? Nije, ističe Darko Trifunović

Član Kolegijuma direktora Instituta za nestale BiH Amor Mašović, među vodećim je ljudima u sarajevskim političkim krugovima koji neprestano manipuliraju srebreničkim žrtvama i njihovim porodicama i prikrivaju zločine nad Srbima.

Ovim riječima, profesor sa Fakulteta za bezbjednost u Beogradu i stručnjak za međunarodni terorizam Darko Trifunović ocijenio je video-snimak od 10. jula 2005. godine, do kojeg je došao naš list.

Na njemu se vidi kako kolona Bošnjaka, između ostalog, "okićena" i ratnom zastavom bošnjačke Armije BiH, dolazi na ivicu masovne grobnice kod Srebrenice, a Mašović im pokazuje posmrtno ostatke nastradalih.

Trifunović smatra "sramotnim, i čistim politikanstvom" što, kako je rekao, Mašović otvara i ekshumira posmrtno ostatke iz masovne grobnice u trenutku kada pored nje nailazi kolona u kojoj je sigurno bilo ljudi čiji su najmiliji nastradali u julu 1995. godine.

- Ovi snimci, koji se sada objavljuju u javnosti, govore o čistoj Mašovićevoj političkoj manipulaciji srebreničkim žrtvama. Riječ je o krivičnom djelu prikrivanja dokaza, jer je dozvolio da ljudi iz kolone priđu, iako je grobnica obilježena prvom i drugom zaštitnom trakom. Postavlja se pitanje, ko u stvari prikriva zločine u Srebrenici, naglasio je Trifunović.

On je dodao i to da je bilo ko iz Sarajeva mogao otkopati grobnicu negdje u BiH iz 1995. godine i tada, deset godina poslije, ubaciti predmete, koji se kao sekundarni dokazi uzimaju u obzir, zbog čega je o Mašovićevom postupku obaviještena Kancelarija visokog predstavnika u BiH, a već sljedeće nedjelje i Haški tribunal.

Prema njegovim riječima, to nije prvi put da Mašović prikriva zločine. U spisima za "tuzlansku kolonu", objasnio je Trifunović, koji se nalaze u Tužilaštvu za ratne zločine Srbije, pominju se specijalne jedinice Stranke demokratske akcije, takozvana "buldožerska brigada".

- Ova brigada išla je i prikrivala zločine počinjene nad golobradim nedužnim mladićima, pripadnicima nekadašnje Jugoslovenske narodne armije u Tuzli. Postoje dokazi da su ih sahranjivali u sekundarnim grobnicama, otkopavali a potom zakopavali na dubrišta. U spisima se Mašovićevo ime spominje uz tadašnjeg komandanta inženjersko - diverzantske jedinice "Patriotske lige" Faruka Preića i to da su prikrivali masovne grobnice, naglasio je Trifunović a zatim upitao:

- S kakvom namjerom je Amor Mašović dozvolio da kolona priđe masovnoj grobnici?

Darko Trifunović ističe da je nedopustivo da srebreničke majke, Bošnjakinje i Srpkinje ne znaju sudbinu svojih najmilijih, kao i što je nedopustivo da se Srebrenica posmatra samo kroz jedan vremenski



period - juli 1995. godine.

- Zločinom nad Bošnjacima u Srebrenici pokušava se opravdati zločin nad Srbima, koji se dogodio prije toga. To ne ide, jer neće dovesti do pomirenja. Ljudi poput Mašovića, i krugovi iz Sarajeva, i dalje zloupotrebljavaju Srebrenicu. Milioni maraka ušli su u taj grad, pa gdje su onda nove fabrike, kuće i je li opština oživjela? Nije, jer ti politički krugovi koriste taj novac za manipulaciju i dijele ga po Sarajevu, rekao je Trifunović.

On je dodao da manipulacija sa Srebrenicom potiče "još iz vremena Alije Izetbegovića, koji je ovaj grad zamijenio za drugu teritoriju, o čemu govori i izjava Nasera Orića u Haškom tribunalu da neće ništa reći dok je Alija živ".

- Rat u BiH je nekome donio sreću, nekoga su slavili kao pobjednika, neke su sredine smatrane oslobođene, dok je za druge to bila nesreća, pogibija i okupacija. Sve zavisi iz kojeg ugla se gleda, ocijenio je Darko Trifunović.

S druge strane, Amor Mašović je rekao za naš list da su grobnicu, osim ljudi iz kolone, posjetili i učesnici konferencije o genocidu u Srebrenici, "kao što i predstavnici medija dolaze i fotografišu i snimaju..."

- Ne znam kakve veze ima postratni period sa onim što Trifunović govori. On je na neki način označen kao čovjek koji negira i minimizira zločin u Srebrenici. To je politička manipulacija a Trifunović čovjek koji, očigledno, "politizuje nešto što je utvrđeno čitavim nizom presuda lokalnih sudova, radom Komisije za Srebrenicu Vlade Srpske, presudom Međunarodnog suda pravde u Hagu..., naglasio je Mašović.

Amor Mašović nije htio da komentariše Trifunovićeve optužbe o njegovom učešću u prikrivanju zločina u Tuzli ističući da je to "jak argument da ima šta raditi na sudu u Banjoj Luci".

P. PEĆANAC

Kongres Bošnjaka

Darko Trifunović je istakao da se u čitavoj priči ne smije zaboraviti ni Kongres Bošnjaka Sjeverne Amerike, koji je ogromna organizacija sa više od 350.000 članova i čiji je osnovni cilj gašenje Republike Srpske.

- Ta organizacija ima budžet više od deset miliona dolara. Interesantno je da lobiraju za ukidanje Republike Srpske, što je po automatizmu teško krivično djelo. Zar nije logično da Tužilaštvo BiH pokrene istragu i Američkoj ambasadi dostavi dopis sa zahtjevom da se ta organizacija ugasi - precizirao je

Trifunović i dodao da je riječ o organizaciji koja putem Internet stranice www.bosnjaci.net veliča četiri mudžahedina i osumnjičenog za ratne zločine Rasima Delića.

Trifunović je naglasio da oni čak lobiraju za zakon kojim bi se Srebrenica izjednačila sa holokaustom.

- Kada sam saznao za to, prozvali su me pripadnikom "srbicidnog naroda" i čovjekom koji negira zločine u Srebrenici, što nema nikakve veze sa istinom- dodao je Trifunović.

Pismo intelektualaca Kongresu Evropske policije

TRIFUNOVIĆA TREBA KAZNITI ZA NEGIRANJE GENOCIDA U SREBRENICI KOJI JE POTVRĐEN PRESUDOM MEĐUNARODNOG SUDA PRAVDE

U potpunosti podržavamo stav Kongresa Bošnjaka Sjeverne Amerike (KBSA), krovne organizacije sjevernoameričkih Bošnjaka, koja kreira, zastupa, štiti i jača u američkom Melting potu i kanadskom Kulturnom mozaiku bosanskohercegovačke interese (jedinstvena, demokratska i prosperitetna država BiH i otvoreno, slobodno civilno društvo u porodici evropskih država i društava). Mi podržavamo bošnjačke interese (očuvanje bošnjačke historije, tradicije, kulture, duhovnosti i jezika) više od 350.000 američkih i kanadskih Bošnjaka, uglavnom žrtava agresije na Bosnu i Hercegovinu i zločina genocida nad Bošnjacima, i u tom smislu zahtijevamo da se dr. Darko Trifunoviću zabrani učešće na 11. Kongresu evropske policije, koji će se održati 29.-30. januara 2008. godine u Berlinu, zbog kontinuiranog negiranja zločina protiv čovječnosti i zločina genocida nad Bošnjacima u Bosni i Hercegovini, posebno u Srebrenici.

Međunarodni sud pravde u Hagu je svojom presudom dokazao zločin genocida u Srebrenici. Negiranje istog nije samo vrijeđanje žrtve, već i negiranje odluke najvećeg pravnog autoriteta u svijetu. Oni, koji vrijeđaju žrtve zločina, negiranjem zločina genocida, i koji ne poštuju odluku Međunarodnog suda pravde u Hagu ne smiju imati pravo učešća na visokom skupu Evropske policije koji upravo govori o terorizmu i zločinu protiv čovječnosti.

Ovim i ranijim saopštenjem KBSA upozorava organizatora, kao i širu javnost i medije, na činjenice koje bi dr. Darko Trifunoviću trebale diskvalificirati od učestvovanja u jednom takvom skupu. Njegove javne izjave su u suprotnosti s naporima i ciljevima Evropske Policije.

Negiranje genocida, od strane dr. Darko Trifunoviću može biti kažnjivo u svjetlu novih zakonskih propisa koji se danas debatišu u EU.

Potpisnici:

Prof. dr. Phon van den Biesen - advokat koji je zastupao BiH na Međunarodnom sudu u Hagu

Prof. dr. Ante Čuvalo - profesor Historije, Univerzitet Chicago

Muhamed Šaićirbey - bivši ambasador BiH u UN i Ministar vanjskih poslova BiH

Prof. dr. Šaćir Filandra - profesor na Fakultetu političkih nauka Univerzitet Sarajevo - Predsjednik KZB Preprod

Prof. dr. Šemso Tanković - predsjednik SDA Hrvatske i član Hrvatskog Sabora

Prof. dr. Džemaludin Latić - Sarajevski univerzitet

Prof. dr. Šahza Hatibović Kofman - dekan Stomatološkog fakulteta Univerziteta u Londonu

Prof. dr. Ferid Muhic - Univerzitet Skoplje

Prof. dr. Žarko Puhovski - Univerzitet Zagreb

Amor Mašović - član Parlamenta Federacije BiH i Član Međunarodne asocijacije istraživača genocida

Nežad Latić - predsjednik Fondacije za zaštitu bošnjačkih ljudskih prava i predsjednik Bošnjačke narodne stranke

Mirnes Ajanović - predsjednik Bosanske stranke

Amir Ahmić - Bošnjački oficir za vezu sa Međunarodnim krivičnim tribunalom u Hagu

Muhamed Jusić - teolog i novinar iz BiH

Bakira Hasečić - predsjednica Udruženja Žena - žrtava rata

Fatmir Alispahić - novinar i književnik u BiH

Zekerijah Smajić - novinar

Šemsudin Škaljić - novinar

Isnam Taljić - književnik

Ahmet Alibašić - direktor Centra za napredne studije Sarajevo

Sinan Alić - predsjednik Fondacije Istina Pravda Pomirenje

Munira Subašić - predsjednica Udruženja Majke Enklava Srebrenica i Žepa

Fadila Memišević - predsjednica Udruženja za ugrožene narode za BiH

Murat Tahirović - predsjednik Saveza logoraša BiH

Željko Milićević, dipl. oec., Ottawa

Mr. Mujko Erović - predsjednik agencije Odgovor na genocid, Chicago

Adnan Balić, publicista

Prof. dr. Šefket Krcić, predsjednik Matice Bošnjaka Sandžaka

Dr. Bernes Alihodžić, profesor Univerziteta u Stuttgartu

Sonja Radošević, slobodni novinar - Podgorica

Mr. Ahmed Pašić, publicista

Mr. Aleksandar Saša Zeković, istraživač kršenja ljudskih prava i član Savjeta za građansku kontrolu rada policije CG

Mr. Nedžad Grabus, muftija IZ Slovenije

Dr. Mirsad Mujović, Nezavisni institut za Socijalne studije

Nihad Krupić, pisac

Ferid Ferko Šantić, publicista

Muhamed Mahmutović, novinar

Omer Pobrić, Institut sevda BiH

Bajram ef. Mulić, predsjednik Islamske zajednice Bošnjaka Sjeverne Amerike



Pismo podrške iz BiH

"ISTINA ZA PRAVDU" UZ KBSA



Podršku Kongresu Bošnjaka Sjeverne Amerike dali su mnogi pojedinci i nevladine institucije. Pismo podrške uputilo je i udruženje Istina za pravdu i redakcija web portala www.genocid.org. U pismu stoji: «Udruženje "Istina za pravdu" Tuzla i redakcija web portala www.genocid.org, u potpunosti podržava stav Kongresa Bošnjaka Sjeverne Amerike, krovne organizacije sjevernoameričkih Bošnjaka koja zastupa interese više od 350.000 američkih i

kanadskih Bošnjaka, uglavnom žrtava agresije na Bosnu i Hercegovinu i zločina genocida nad Bošnjacima, da se dr. Darku Trifunoviću zabrani učešće na Kongresu evropske policije zbog kontinuiranog negiranja zločina protiv čovječnosti i zločina genocida nad Bošnjacima u Bosni i Hercegovini, posebno u Srebrenici.

Međunarodni sud pravde u Hagu je svojom presudom dokazao zločin genocida u Srebrenici.

Negiranje istog nije samo vrijeđanje žrtve, već i negiranje odluke najvećeg pravnog autoriteta u svijetu.

Oni koji vrijeđaju žrtve zločina genocida i koji ne poštuju odluku Međunarodnog suda pravde u Hagu, ne mogu imati pravo učešća na visokom skupu Evropske policije koji upravo govori o terorizmu i zločinu protiv čovječnosti». U potpisu je predsjednik organizacije Nedim Berberović.

Izjava Amora Mašovića upućena učesnicima Kongresa Evropske policije

TRIFUNOVIĆ OMALOVAŽAVA ŽRTVE GENOCIDA A VELIČA ZLOČIN I ZLOČINCE



Kongres Bošnjaka Sjeverne Amerike zatrpan je pismima istaknutih ličnosti i organizacija od momenta slanja zahtjeva organizatorima Kongresa Evropske policije da se izvjesnom Darku Trifunoviću, zbog omalovažavanja žrtava i negiranja genocida nad Bošnjacima, te veličanja srpskih zločina i zločinaca ne

dozvoli prisustvo na spomenutom Kongresu.

Amor Mašović kao jedan od najuglednijih i najistaknutijih javnih ličnosti u BiH, uputio je pismo / izjavu učesnicima Kongresa Evropske policije i na taj način podržao zahtjev KBSA da se izvjesnom Trifunoviću "ne da prilika da za govornicom Kongresa takve renomirane organizacije kakva je Evropska policija nastavi omalovažavati žrtve i veličati zločince". U pismu Amor Mašović kaže:

»Poštovani,

U svojstvu člana Parlamenta Federacije Bosne i Hercegovine, bivšeg člana Parlamenta Bosne i Hercegovine i člana Međunarodne asocijacije istraživača genocida (IAGS) izražavam duboku zabrinutost činjenicom da je gosp. Darku Trifunoviću omogućeno sudjelovanje u radu Kongresa Evropske policije. Prateći aktivnosti i javne istupe gosp. Trifunovića kroz duži vremenski period bosanskohercegovačka javnost i ja osobno prepoznali smo da se radi o osobi koja kontinuirano nastoji zanjekati, minimizirati, iskriviti i/ili zamagliti sliku o najvećem zločinu počinjenom na evropskom tlu nakon holokausta, dakle **zločina genocida** što su ga „srpska vojska i policija“ počinili u julu 1995.godine u Srebrenici.

Dakako, ja kao demokrata podržavam slobodu govora i javnog iznošenja mišljenja, ali organizator Kongresa bi se prilikom izbora učesnika trebao jasno odrediti o tome treba li pružiti priliku, da javno iznose svoje stavove, osobama koje negiraju činjenice utvrđene

u presudama Međunarodnog suda pravde (ICJ) i Krivičnog suda za bivšu Jugoslaviju (ICTY). Jednako kako podržavam Vaše opredjeljenje da ne pružite priliku sudjelovanja na Kongresu onima koji negiraju ili minimiziraju zločin holokausta (jer takve sankcionira i sam zakon te zemlje u kojoj se Kongres održava) mišljenja sam da isto tako treba postupiti i prema onima koji negiraju jedan drugi sličan zločin kao što je **zločin genocida** u Srebrenici. U suprotnom uskoro svi skupa možemo očekivati da će se ponovo javiti duhovi prošlosti.

Negiranje holokausta nad Jevrejima i/ili genocida nad Bošnjacima ne mora nužno značiti samo posljednju fazu (E. Stanton), već plašim se da takav govor mržnje, izostanka saosjećanja sa žrtvama, veličanje zločina i zločinaca zapravo jeste uvod ili prva faza novih zločina holokausta i **genocida**. Stoga, ja podržavam zahtjev Kongresa Bošnjaka Sjeverne Amerike (KBSA) koji zastupa interese 350.000 američkih i kanadskih Bošnjaka u smislu da se gosp. Trifunoviću ne da prilika da za govornicom Kongresa takve renomirane organizacije kakva je Evropska policija nastavi omalovažavati žrtve i veličati zločince.

Bosanskohercegovačka javnost je sa izuzetnom pažnjom pratila aktivnosti Evropske policije, čiji su pripadnici dali ogroman doprinos u sanaciji posljedica zločina počinjenih na tlu naše zemlje i bila bi neizmerna šteta, ako bi zbog neopreznosti organizatora, ta ista javnost takav stav revidirala zbog osobe kakva je gosp. Trifunović.

Pismo Esada Krcića, urednika web stranice www.bosnjaci.net

TRIFUNOVIĆA ODBACILA EVROPSKA POLICIJA

Poštovani čitatelji, Znamo da iščekujete svježe informacije u "slučaju dr. Darko Trifunović", to ste i zaslužili jer ste proteklih dana pokazali koliko vam je stalo do istine, do Bosne i koliko gajite ljubavi prema jednoj domovini.

Najsažetije rečeno, na inicijativu Kongresa Bošnjaka Sjeverne Amerike, [bosnjaci.net](http://www.bosnjaci.net), grupe intelektualaca te Srebrenica genocid blog, NTV Hayata, Avaza, Saveza Hrvata Bosne i Hercegovine u Sjedinjenim Američkim Državama, Udruženja Žena žrtva rata, Udruženja Žena Srebrenice, Majke enklave Srebrenica i Žepa i drugih bosanskih organizacija, medija i na veliki pritisak javnosti, organizatori 11. Kongresa Evropske policije sa službene stranice uklonili su ime dr. Darka Trifunovića, što ujedno znači da je izbačen sa svih panela koji su predviđeni u dvodnevnom trajanju Kongresa.

Prošlost nas je naučila da trebamo biti oprezni, da bi bili uvjereni očekujemo od organizatora Kongresa službeni izvještaj o zabrani Trifunoviću da učestvuje na 11. Kongresu Evropske policije, zbog negiranja genocida, ismijavanje žrtava genocida i umanjivanje

broja stradalih u genocidu, zatim falsificiranje dokumentacije za državljanstvo BiH, višegodišnje podmetanje terorizma Bošnjacima nazivajući ih "belom Al Qaidom", izjednačavanja Islama sa terorizmom...

Trifunović je proteklih dana davao izjave četničkim medijima da ima "podršku od Evropske policije". Naše je da pitamo čelništvo Evropske policije o istinitosti njegovih navoda. Želimo vam još naglasiti da je Trifunović zbog lažnog pisanja blokiran na nekoliko veoma jakih stranica među kojima je čuvena wikipedia.

Ovom prilikom, na inicijativu naših čitatelja, činimo vam dostupnim dva pisma koja možete koristiti i slati organizatorima Kongresa, potpredsjedniku Franco Frattiniju i ostalim učesnicima 11. Kongresa Evropske policije. Adrese su u nastavku pisama. Molimo vas, kopirajte pismo sa naše stranice www.bosnjaci.net, potpišite i šaljite dalje. Preporučite vašim prijateljima da i oni isto to urade. Akcija slanja pisama trajat će do završetka Kongresa tj. do 30. januara 2008. Ostanite sa nama!!!

Kakva će zora Bosni svanuti?
Ti odluči

IZBORI 2008

BUDI SPREMAN!
IZVADI PASOŠ / LIČNU KARTU
DAJ SVOJ GLAS ZA BOLJE SUTRA!
BH IZBORI: jesen 2008

Sve one koji ste prezreli ili koji ste uspjeli izbjeći genocid koji je počinjen nad vašim bližnjim, a koji žrtve u Sjevernoj Americi, Kongres Bošnjaka Sjeverne Amerike vas poziva da podržite istu kao građani države Bosne i Hercegovine, molimo vas da potpišete zahtjev za dopunjavanje bosanskohercegovačkih ličnih dokumenata - pasosa ili lične karte. Dokumenti potpisani od svih državljanima BiH će biti u prilici da usavršite. Važno pravilo: da lišite i budete izbačeni na sledećim bi ličnim izbornim koji se sa održati 2008. godine.

Za više informacije posjetite: www.bosniak.org

Congress of South American Bosniaks

TRIFUNOVIĆ JE ZAUSTAVLJEN!!!

Nakon višednevne medijske borbe, lobiranja i upotrebe svih demokratskih sredstava Kongres Bošnjaka Sjeverne Amerike uspio se izboriti da profesor Beogradskog Univerziteta Darko Trifunović, koji je već duže vrijeme u središtu medijske pozornosti zbog negiranja genocida u BiH, ne bude jedan od uvodničara na Kongresu Evropske policije. Tim povodom KBSA objavio je saopćenje u kojem stoji: «Zajedničkom koordinacijom Kongresa Bošnjaka Sjeverne Amerike i drugih organizacija u dijaspori, intelektualaca i medija, posebno web portala Bošnjaci.net sa pojedinim organima vlasti u državi Bosni i Hercegovini osigurano je da poziv gospodinu Darku Trifunoviću da učestvuje na 11. Kongresu Evropske policije bude povučen, i njegov nastup na tom Kongresu promptno otkazan. Na 11. Kongresu Evropske policije, koji će se održati 29. i 30. januara 2008. godine u Berlinu jedan od uvodničara u okviru foruma "Evropske protuterorističke strategije: Otkrivanje, financiranje, krivično-pravno procesuiranje"

trebao je biti dr. Darko Trifunović, profesor Univerziteta u Beogradu. Gospodin Trifunović je također učestvovao i na 10. Kongresu Evropske policije. Kako je sam sebe nazvao stručnjakom za terorizam, gospodin Trifunović je kontinuirano u svojim istupima i pisanjima zastupao teze o državi Bosni i Hercegovini kao leglu terorista, optuživao bošnjačke političke lidere da podržavaju Al Qaidu i Globalni džihadski pokret, negirao zločin genocida nad Bošnjacima, posebno nad Bošnjacima u Srebrenici. Takvim svojim djelovanjem gospodin Trifunović je nanio štetu interesima države Bosne i Hercegovine, ali i interesima Evropske Unije u čijim državnim članicama je ovakvo djelovanje krivično djelo. Kongres Bošnjaka Sjeverne Amerike se zahvaljuje svim organizacijama i pojedincima koji su doprinijeli da se povuče poziv gospodinu Trifunoviću za učešće na Kongresu Evropske policije», stoji u saopćenju koje je 10. januara potpisao predsjednik UO KBSA Emir Ramić.



Pismo Bosniaks Stichting Most upućeno Udruženju Žena Srebrenice i Majke enklave Srebrenice i Žepe

TUŽITI TRIFUNOVIĆA ZA KRIVIČNO DJELO PRIKRIVANJA ZLOČINA I NEGIRANJA GENOCIDA U SREBRENICI



ukazali na ljudske, ideološke i stručne (ne)kompetencije Darka Trifunovića, a koji je najavljen kao jedan od učesnika 11. Kongresa evropske policije. Njegova bezobrazna tvrdnja o ograničenom zločinu nad manje od stotinu ljudi prilikom okupacije Srebrenice svakako treba dobiti sudski epilog zbog nanošenja dodatne duševne boli porodicama žrtava, odnosno Vama, a ako se ta

Poštovane majke i sestre, Nakon svih strahota kroz koje ste prošle u ratu, te bolnog traženja i pokapanja svojih najmilijih, javljaju se nemoralni glasovi, koji minimiziraju zlo. Jedan od takvih je i izvjesni Darko Trifunović, koji je u izvještaju Dokumentacionog centra vlade genocidne tvorevine, tzv. "republike srpske", konstatirao odgovornost Miloševićeve i Karadžićeve klike za zločin nad "manje od stotinu" Bošnjaka u području Srebrenice, dok su ostali, po njemu, bili kolateralna šteta rata. Izvještaj je naime objavljen 2002. godine, i sam po sebi je krivično djelo prikrivanja i negiranja zločina, u ovom slučaju genocida, pa smatramo da postoji osnova da se protiv pomenute osobe podnese krivična prijava pred Sudom BiH, a ukoliko se taj sud proglašio nenadležnim, onda pred međunarodnim, prije svega evropskim sudovima. Spomenuti "stručnjak" je nedavno najavio čak i tužbu protiv KBSA, zbog njihovog pisma upućenog Kongresu evropske policije, u kojem su dokumentovano

tvrdnja na sudu pokaže tačnom, onda dotičnome treba priznati pravo da tuži KBSA, "zbog njemu nanesene duševne boli", ali i, po automatizmu, treba priznati pravo i poštovaocima lika i djela Slobodana Miloševića, Radovana Karadžića i Ratka Mladića, da traže od evropskih i svjetskih institucija i gradova, davanje ulicama i ustanovama imena njihovih idola, te tražiti i rehabilitaciju lika i djela Adolfa Hitlera kroz oživljavanje i njegovih tvorevina, poput Miloševićeve genocidne tzv. rs. Vjerujemo ipak da čovječanstvo neće toliko nisko pasti te da je tamna epizoda nelegalnog priznanja tzv. rs i na taj način legalizacije genocida, odnosno sponzorstva terorizma od strane UN-a i velikih sila sramna, bolna i krvava mrlja koja će ipak ubrzo biti očišćena sa karte Evrope i svijeta, pa je Vaša borba za čuvanje dostojanstva žrtve svojih najmilijih, po potrebi i kroz sudske procese protiv onih poput Trifunovića, bitan korak na putu ka pravednijem svijetu, kaže se i saopćenju Bosniaks Stichting Most.



BILTEN KONGRESA BOŠNJAKA SJEVERNE AMERIKE

Informativno glasilo KBSA
Broj 8.

15. januar 2008.

Glavni i odgovorni urednik Emir Ramić
Tehničko uređenje Bosnian Media Group
Izdaje UO KBSA
www.bosniak.org
info@bosniak.org

Za izdavača Bosnian Media Group & Bošnjačka Dijaspورا - bosansko-američke nezavisne novine - zvanični medijski pokrovitelj 12. Susreta Bošnjaka Sjeverne Amerike